

Goražde, 20.02.2006.

Obezbjedeni uslovi za tripartitni socijalni dijalog



Vlada BPK-a Goražde, Udruženje poslodavaca BPK-a i Savez samostalnih sindikata BPK-a potpisali su 17.02.2006. Sporazum o osnivanju Ekonomsko-socijalnog vijeća za područje Bosansko-podrinjskog kantona Goražde.

Sporazum su u prisustvu Premijera BPK-a Goražde Nazifa Uručija i predstavnika OSCE-a Asima Sarajlića, glavnog koordinatora ovih aktivnosti, potpisali ministar za privredu Ferid Bučo, u ime Vlade kantona, predsjednik Udruženja poslodavaca Hasan Tafro i predsjednik Saveza samostalnih sindikata BPK-a Goražde Emko Rizvanović .



Ekonomsko –socijalno vijeće broji 6 članova, po 2 od svakog socijalnog partnera, čija je obaveza da u roku od 15 dana imenuju svoje predstavnike u Vijeću, koje bi trebalo da se konstituiše najkasnije u roku od 30 dana od dana stupanja na snagu sporazuma. Vlada Bosansko-podrinjskog kantona Goražde obezbijediće odgovarajuće prostorije kao i stručne, organizacijske i materijalne uslove za njihov rad.

Bosansko-podrinjski kanton je među prvim kantonima koji su osnovali Ekonomsko-socijalno vijeće, čiji je cilj vođenje zajedničke djelatnosti socijalnih partnera u području ekonomske, socijalne i razvojne politike, afirmacija i zaštita ekonomskih i socijalnih prava, odnosno, interesa zaposlenika i poslodavaca, razvijanje sistema kolektivnog pregovaranja i zaključivanja i primjena kolektivnih ugovora.



IZVOR: www.bpkgo.ba